

豐城縣志卷之四

學校

學校庠序三代攸設化民成俗官始遜業廟祀
先師歷朝有赫惟

聖知聖頻昭題額五世追封六經纂列諱名示尊古無與
頡曰升曰增秩分賢哲生斯宦斯亦祠其傑義路禮
門家絃戶說髦士峩峩允彰教澤志學校
國朝鉅典紀要

世祖章皇帝順治九年

御製卧碑文頒勒各學

豐城縣志

卷四

學校

一

聖祖仁皇帝康熙二十三年

御書萬世師表扁額頒懸各學大成殿三十八年

詔各學設樂器三十九年

御製

至聖先師贊暨四賢贊勒石四十一年

御製訓飭士子文頒勒各學五十一年

特諭升朱子于十哲之次五十三年

御製周易折衷暨朱子全書成頒行

詔以宋儒范仲淹從祀

世宗憲皇帝雍正元年

命追封

孔子五代王爵以啟聖祠改爲崇聖祠

命各省學宮建忠義孝弟祠仍建節孝祠于學宮之外二
年

命增定從祀先賢先儒復林放蘧瑗秦冉顏何鄭康成范
甯增縣廩牧皮樂正子公都子萬章公孫丑諸葛亮
尹焞魏了翁黃幹陳淳何基王栢趙復金履祥許謙
陳澹羅欽順蔡清陸隴其增張廸入崇聖祠增仲弓
伯牛子張有若四家博士三年

臨雍講學命州縣人文盛處廣入學額數有差縣舊額入

豐城縣志

卷四

學校

二

學十五名復增額五名共入縣學二十名是年奉部
頒

文廟禮樂圖籍四年

御書生民未有扁額頒懸各學五年

諭直省內外逢

先師誕辰一日齋戒諱

孔子名加卩爲邱九年

命將

聖祖欽定書經詩經春秋傳說彙纂暨
御製性理精義各直省刊板頒行各學

皇上乾隆二年

命以先儒吳澄從祀三年

御書與天地參扁額頒懸各學是年

特諭升有子爲十二哲九年頒祭樂二器

歷朝修建紀畧

唐永徽二年遷縣治于章水之東建學于治東南宋
紹熙十三年雷尹繼遠遷建于治東即今所黃次山
記胡尹璉余尹畚增修劉尹卿月購范氏之壤廣其
後元至元二十三年陞爲州學陳守元凱修之大德
二年姚守用中復修揭傒斯記皇慶元年李學授克

豐城縣志

卷四

學校

三

家增修元末燬于兵惟大成殿存明洪武元年強州
守立重建二年復改爲縣學林尹弼作櫺星門新明
倫堂何丞昭善撤舊更新之朱尹瑄張尹敬楊貳守
譽先後增修宣德四年陳方伯智命鄭尹子朝聶學
訓伯墳重修胡儼祀成化二年王簿燧加修十四年
洪憲副性下檄周尹芳朱丞萱重建基視舊高增六
尺廣增四尺有奇張元禎記弘治七年劉尹燧復修
何尹洽改濬泮池添設齋舍嘉靖間盛中丞應期徐
叅藩讚檄李尹章重新之楊廉記十年奉詔撤像易
以木主稱曰

先師孔子萬歷間吳尹達可韓尹文相繼修葺四十二年陶通府以詩購民居擴其地增修建吳道南有記
明末傾圮

國朝順治十二年宗尹彝重建有記十七年何尹士錦增新之陸履敬記康熙八年房尹廷楨十三年莫尹風鯤十八年蔡尹毓華三十三年王尹鎬四十四年薛尹景瑩五十四年盧尹佐斌五十九年王尹履仁雍正七年楊尹芊雍正十三年劉尹象賢均事修葺乾隆四年盛學諭逢瀾暨邑紳士以舊制庠隘且多剝蝕謀重建于楊尹志道倡率合邑捐銀五千兩廩豐城縣志

卷四 學校

四

生今任金華府判李堡捐銀一千兩悉撤舊鼎新之
盛逢瀾有記

大成殿 六架二十六楹週迴石廊二十四楹殿南爲龍鳳牌坊上豎大成殿扁基增築五尺直增一丈八尺橫增二丈有奇陞料飛簷黃瓦龍吻悉如制視舊大加壯麗

露壹 在殿前三面爲扶欄旁二道中三道級九視舊基增築四尺直增八尺橫增一丈二尺

兩廡 在殿東西翼以祭樂二器庫各七架二十八楹及齋宿廊各八架十六楹視舊增擴一丈六尺

櫺星門 在露壹前四架十二楹視舊基徙前二丈增築二尺

名宦祠 在櫺星門東三架十二楹

鄉賢祠 在櫺星門西三架十二楹

泮宮坊 在櫺星門外

泮池 在泮宮坊外有橋有扶欄

按舊志泮宮坊左有興賢坊右有育才坊俱久圯

泮池初在櫺星門內洪武年間何丞昭善詳于望

景乃購地闢基浚池決渠俾前挹連珠湖諸秀萬

歷四十二年陶通府以詩徙置櫺星門外順治十

豐城縣志

卷四

學校

五

七年何尹士錦環池以墻以聚文水乾隆四年徙前三丈有奇

戟門 在泮池前越戟門二丈許增樹屏墻東西爲門

扁曰德配天地道冠古今

崇聖祠 在殿東北四架十八楹

按祠東舊有敬一箴亭嘉靖十六年詔建今圯

魁星閣 在學門內

儒學門 在殿東南

按自大成殿以下諸建置肇于乾隆四年己未六月成于明年庚申之冬盛學諭逢瀾倡領其事終

始不辭艱瘁爲功最多而邑紳士中慷慨捐助購材糾役竭力任勞經費六千餘金毫忽無私洵一時義舉也

明倫堂 舊在殿後因殿基加擴堂無容所乾隆八年暫建于殿西北

按堂方位宜置殿後今在西北隅講學行禮多嫌紆僻且殿後無堂莫蔽北方風雨今議別徙秀傑樓以廣其地復建堂于殿後堂之前有白鹿洞洗墨池別見雜記

大成坊 在殿南屏墻外百餘步跨塘築堤爲址乾隆

豐城縣志

卷四

學校

六

十七年今尹滿暨邑紳士以修志餘貲購石創建

江山秀傑樓 元初陳守元凱建于明倫堂後元末燬

明洪武二十六年姚尹瑾復建樓五間扁曰文昌祀其神于樓正統五年陳僉憲燧撤文昌像立碑刻先師貌于上更名正誼成化十年陳憲副煒十七年王尹本儉二十二年李少叅蕙相繼修葺弘治七年劉尹燧新之復曰秀傑是年金聲玉振二坊東西學舍皆成并樓之東南舊有文林堂三間均以歲久圯嘉靖十三年瑞芝產于堂東楹夏督學寅作瑞芝堂於樓之北繼毀樓亦圯康熙元年何尹士錦復建樓今

議徙建

教諭署 在殿西繚垣之外乾隆八年盛諭逢瀾監建有門有堂有室旁有廣圃

訓導署 舊二一在秀傑樓東一在樓西俱久圯後訓導裁一止建一署于鄉賢祠之西亦圯今居房公講堂

齋舍 居仁由義二齋舊列明倫堂東西并有禮門義路明成化十四年創于王尹本儉久圯東號舍列於道左凡一十餘間弘治七年劉尹燧建嘉靖三十七年曹尹大川修葺西號舍景泰三年張尹敬以學宮

豐城縣志

卷四 學校

七

湫隘白之巡撫韓計廣其地適有西隣民劉姓者以地售購之約袤計二十三丈有六尺學舍三十有二間餘爲蔬圃外塘約廣二畝爲魚池扁門曰興賢浚渠通水于泮池有鄭嘉爲之記弘治十一年何尹洽重建今俱圯

按舊志云宣德壬申張尹敬購學地考明宣德始丙午終乙卯並無壬申年查職官內張敬景泰二年來知縣事則購地當在景泰三年壬申

學校設以造士志修建者多計廟而不及學先儒有曰聖賢在天之靈非如釋老二氏與典祀百神

之以驚動禍福炫耀愚俗爲神而欲崇大其祠也
廟祀雖隆而學校不興果何益哉豐學自宋紹興
遷建以來先後賢尹如胡璉劉卿月劉燧張敬等
增養士之田恢學宮之地廣設齋舍課士其間是
以春秋補試者垂二千人稱美于宋而人文輩出
炳炳麟麟有明一代尤推極盛則興學造士之效
不爽矣故齋舍雖久圯廢猶仍舊志存之

忠義節孝祠 別見祠廟

頒定位次

崇聖祠正中

豐城縣志

卷四

學校

八

肇聖王

裕聖王

詒聖王

昌聖王

啟聖王

東配祀

先賢顏氏

孔氏

先儒周輔臣

程珦

蔡元定

西配祀

先賢曾氏

孟氏

先儒朱松

張廸

大成殿正中

至聖先師孔子

四配

復聖顏子

述聖子思子

俱殿東

宗聖曾子

亞聖孟子

俱殿西

十二哲

閔子名損

冉子名雍

端木子名賜

仲子名由

卜子名商

有子名若

俱殿東次

冉子名耕

宰子名予

冉子名求

言子名偃

顓孫子名師

朱子名熹

俱殿西次

從祀先賢先儒

豐城縣志

卷四

學校

九

蘧瑗

澹壹滅明

原憲

南宮适

商瞿

漆雕開

司馬耕

巫馬施

顏辛

曹卣

公孫龍

秦商

顏高

壤駟赤

石作蜀

公夏首

后處

奚容蒧

顏祖

句井疆

秦祖

縣成

公祖句茲

燕伋

樂欬

狄黑

孔忠

公西蒧

顏之僕

施之常

申枏

左邱明

秦冉

牧皮

公都子

公孫丑

張載

程頤

公羊高

孔安國

毛萇

高堂生

鄭康成

諸葛亮

王通

司馬光

歐陽修

胡安國

尹焞

呂祖謙

蔡沈

陸九淵

陳淳

魏了翁

王相

許衡

吳澄

許謙

王守仁

薛瑄

羅欽順

陸隴其

俱東廡

林放

宓不齊

公治長

公哲哀

高柴

樊須

商澤

梁鱣

冉孺

伯虔

冉季

漆雕徒父

漆雕哆

公西赤

任不齊

公良孺

豐城縣志

卷四

學校

十

公肩定

鄒單

罕父黑

榮旂

左人郢

鄭國

原亢

廉潔

叔仲會

公西輿如

邽選

陳亢

琴張

步叔乘

秦非

顏噲

顏何

縣亶

樂正克

萬章

周敦頤

程顥

邵雍

穀梁赤

伏勝

后蒼

董仲舒

杜子春

范甯

韓愈

范仲淹

胡瑗

楊時

羅從彥

李侗

張栻

黃幹

真德秀

何基

趙復

金履祥

陳澹

陳憲章

胡居仁

蔡清

俱西廡

名宦

晉

雷

煥

縣令

唐

柳

渾

縣令

宋

程

璠

縣令

楊

告

主簿

宋

咸

縣尉

雷繼遠

縣令

胡

璉

縣令

劉

幹

縣尉

豐城縣志

卷四

學校

十一

劉卿月

縣令

元

賈

全

州尹

陳元凱

州尹

高復禮

州尹

明

史

彬

吏目

林

弼

縣令

何昭善

縣丞

鄭子朝

縣令

柴

璘

訓導

鄭

嘉

教諭

王燧

主簿

尚

禔

縣令

劉

燧

縣令

周鳴鶴

訓導

沈

熺

縣令

顧

必

縣令

王天性

判署縣府

李國士

縣令

馮起綸

縣令

謝龍文

縣令

國朝

白

潢 大學士前巡撫江西

何士錦 縣令

鄉賢

漢

徐

穉 高士

宋

劉

充 傑士

陸

筠 參議

盛温如 傑士

于

革 傑士

胡大訓

鄉進士

元

揭傒斯

集賢院學士

甘惟寅

處士

豐城縣志

卷四 學校

十二

明

朱

善 大學士

劉

秩 知州

黃宗載

吏部尚書

熊

直 翰林

史

安 禮部郎中

羅貴素

按察司僉事

孫日良

副都御史

丁

鉉 刑部尚書

夏希純

藩參

雷

誠 知府

徐懋昭

翰林

丁倬

知縣

范

衷 知州

孫日恭

侍讀學士

曹

壽 修撰

孫

昌 助教

丁

俊 御史

甘

瑛 知府

杜

參 知州

孫

儼 按察司僉事

劉華甫

知府

黃

節 太僕寺少卿

涂

謙 按察使

丁

傑 徵士

杜

立 府同知

范

鏞 按察使

李

璫 按察司副使

楊崇知府

李裕吏部尚書

楊瑄按察使

涂觀知府

熊懷刑部侍郎

涂棐按察司副使

丁璐布政司叅政

游明督學副使

黃琥叅政

江潭工部郎中

楊廉禮部尚書

黎芳學正

李漢都給事

范兆祥檢討

熊卓監察御史

葉釗員外郎

朱槩布政司叅政

吳祺巡撫

雷述通判中給事

楊璉贈府尹

楊銓府尹

高宇知府

楊源靈臺郎

郭希顏中允

李萬平贈尚書

李遂兵部尚書

雷禮工部尚書

孫世祐侍郎

李璣禮部尚書

范慶按察司副使

豐城縣志

卷四 學校

徐南金巡撫

胡杰太常寺卿

黃時濟知縣

李栻御史

李東華都給事

夏栻太僕寺少卿

李瓚知縣

李貴按察司副使

李材都御史

游季勳府尹

徐燧贈副使

徐即登按察司副使

范謙禮部尚書

李萬清贈知縣

李瑄按察司僉事

熊廷相知府

李復陽通政

李啟美翰林檢討

熊惟廣贈給事

熊鳴夏給事

熊廷用贈侍郎

熊尚文工部尚書

范梅知府

黎汴通判

李右諫太僕卿

羅棟給事

唐良臣贈尚書

唐大章禮部尚書

熊鳴岐布政

徐縞贈御史

徐鑒 太僕卿 邱士毅 禮部尚書 楊惟相 員外郎

李維喬 知縣 黃大受 兵部司職 羅憲顥 知縣

江端本 御史 朱道光 知縣 雷化麟 大參

楊惟休 通判 羅文炳 贈中允 羅大任 祭酒

國朝

甘文奎 光祿卿 熊駿 贈同知 陸履敬 進士

丁文達 贈參議 丁蕙 參議 李深 贈郎中

李雲會 郎中

頒定祀典

歲春秋二仲月上丁日舉祀大牢一豕七羊五樂

豐城縣志

卷四 學校

十四

六奏舞六佾

樂章 春祭夾鐘為宮倍應鐘起調秋祭南呂為宮

仲呂起調

迎神 咸平

大哉孔子先覺先知與天地參萬世之師祥徵麟紘

韻荅金絲日月既揭乾坤清夷

初獻 寧平

予懷明德玉振金聲生民未有展也大成俎豆千古

春秋上丁清酒既載其香始升

亞獻 安平

式禮莫愆升堂再獻響協鼗鏞誠孚壘甌肅肅雍雍
譽髦斯彥禮陶樂淑相觀而善

終獻 景平

自古在昔先民有作皮弁祭菜於論思樂惟天牖民
惟聖時若彝倫攸叙至今木鐸

徹饌 咸平

先師有言祭則受福四海鬻宮疇敢不肅禮成告徹
毋疏毋瀆樂所自生中原有菽

送神 咸平

鳧繹峩峩洙泗洋洋景行行止流澤無疆聿昭祀事

豐城縣志

卷四

學校

十五

祀事孔明化我蒸民育我膠庠

崇聖祠祭文

維

王奕葉鍾祥光開聖緒盛德之後積久彌昌凡聲教所
覃敷率循源而溯本宜肅明禋之典用申守土之忱

茲屆仲春秋聿修祀事

文廟祭文

維

先師德隆千聖道冠百王揭日月以常行自生民所未
有屬文教昌明之會正禮和樂節之時璧雍鐘鼓咸

恪薦于馨香泮水膠庠益致嚴于籩豆茲當春秋仲祗
率彝章肅展微忱聿將祀典

凡祭

先師日先釋奠于崇聖祠祭畢祀名宦鄉賢二祠

按古者入學則釋奠于先聖先師明聖賢當祀之
于學也舊志以春秋上丁祭禮與城隍社厲並見
秩祀于義不類其所列祭儀樂章亦多沿襲舊制
茲悉取而訂之以表尊崇一信從焉

殿南屏牆外地 直抵連珠湖岸橫廣十數丈

儒學門前地 乾隆四年購自夏姓直長四丈有奇橫

豐城縣志

卷四

學校

十六

廣三丈有奇

儒學西偏地 前抵街後抵學湖西廡繚垣外約廣十
五丈前右臨街今爲名房賃租歸學前左即今教諭
署

射圃亭 明洪武十年齊尹景明建亭于廟東正統二
年徙學前五十步弘治元年增建廳俱久圯

按舊射圃遺址在學東南隅前街後湖橫廣五丈
前爲房尹廷楨所建正學祠後爲春秋二祭宰牲
所再後有湖名射圃湖其徙建射圃遺址即今學
前空地

連珠湖 在學前直抵城止橫廣十畝許

按是湖俗名蓮湖乃文水滙聚處明嘉靖間當事
誤開閘於湖左致洩害雷太保禮力請吳尹達可
堵塞併濬通明溝科第復盛近歲奸民于城根下
竊挖出水深爲邑害屢經築塞每歲必嚴省禁

魚塘二 在學前連珠湖之北

射圃湖 在舊射圃南之正中

學背湖 在學後三湖聯絡如蛛絲結網俗名蜘蛛湖

敖家湖 在城西左濱河堤右界楊柳湖魚利歸學

株湖 在宣風鄉地名吳城賽頭溉田千畝舊志歷載

豐城縣志

卷四 學校

十七

魚利歸學

學田 宋閩帥辛稼軒以腴田五百七十餘畝施于龍
興路學歲來徵租者多被溺因付本學令學甲五人
掌之後逋負甚多復付本縣徵輸名民佃種糧歸各
戶每田一畝載官糧租七斗四升九合輸納于縣及
胡尹璉增養士田其後代有捐者至萬歷間議毀書
院變學田則前田俱賣所存者惟楊文恪廉捐上田
三十九畝七分八釐四毫二絲丁上舍果捐上田七
十四畝二分八釐七毫一忽

按舊志楊文恪丁果所捐上田現存儒學書吏收

管官與士均無與

修學田 九十八工四分係蔣一宗施于大明寺業乾隆十三年蔣以其田歸學顧尹錫鬯從邑人士議每歲田租永爲修理

文廟之費乾隆十六年蔣復以留贍大明寺田十七工五分併歸修學

龍山書院田 三百五十八畝六分零雍正十二年劉尹象賢酌定每歲田租令歲科一等一二名諸生收管繳存縣署爲延請書院掌教俸資及歲科兩試獎賞大比年舟車卷價併龍山住持僧飯食乾隆十六

豐城縣志

卷四

學校

十八

年今尹滿以經收有名無實詳歸官收其公費悉照舊例有加

按儒學公業不無歲久侵隱之弊姑就舊志確鑿可據及現在管業者列之

社學 一在府館北即城隍廟西一在清都觀西今俱廢

房公講堂 在儒學東康熙八年房尹廷楨建

近聖樓 在房公講堂旁順治十二年宗尹彝建會諸生課學其中今移房公講堂後即訓導署

龍門書院 在儒學西明崇禎謝尹龍文建

龍光書院 在儒學西二百步有講堂扁曰聖學心傳
有室有廊廡有儀門有坊牌明嘉靖十年徐督學一
鳴命沈尹熺創建二十八年韓尹弼重葺之後即改
祀韓尹

劍浦學舍 在正法寺東內有講堂扁曰敬業會堂爲
講學會文之所

按通志有寶修書堂在正法寺左明隆慶間徐叅
議用檢建疑即此處

龍山書院 在曲江磯山之上舊爲朱子及李後林姚
雪坡三賢講學之所康熙三年何尹士錦撤舊鼎新

豐城縣志

卷四

學校

十九

之李基記其事前爲講堂後爲文昌閣

蔡公講堂 在治西大街爲蔡尹毓華建今改萬壽宮
劍江書院 在治東康熙年間爲何尹士錦講學之所

乾隆七年朱尹懷棧改爲 關帝廟

盛家洲書院 在治東藍家巷宋邑人盛溫如建朱子
過之有詩

徐孺子書院 在櫛山南一名讀書臺

蓮溪書院 在篠塘宋李侍郎琮建延邑賢周諤講學
于此院臨蓮池故名

古龍光書院 在滎塘劍池廟之側宋紹興間邑人陳

自俛建中祀

先師像四方就學者三百餘人悉廩之朱子過書院留居一月元至正間裔孫陳必強陳宗強重建有歐陽元篆額

龍澤書院 在櫛山宋雷尚書宜中建

石峰書堂 在梅仙鄉石牛峰下大霄觀之側里人方齋陳友沅因其師得雙峰饒氏之傳遂創堂講學于此

敷山書院 在同造里宋邑人孫餘慶建揭傒斯記

貞文書院 在長寧鄉元揭學士傒斯請于朝爲父貞

豐城縣志

卷四 學校

二十

文先生來成立制如學宮選學官爲山長生之歐陽元記

菑岡義塾 在長寧鄉元揭息建制如貞文書院而差小畀田五百畝給遊學者吳澄記其事

橙溪書閣 劉漢廣建

同文書院 在湖茫元邑人李克家率同志建鄉人有志于學者聚而教焉買田以給之

城南書屋 在荷塘羅懷玉建金幼孜記

荷塘書院 在荷塘黃得中建黃豕宰宗載記

劍東義館 在袁坊明嘉靖四十年袁伯明建前爲樂

育堂後爲養善堂又後爲號舍四左右翼以號舍十
二庖廩舍十五井釜皆具捐腴田二百二十畝以給
就學者之費

羅山書院 在湖茫明嘉靖間李尚書遂建

蓮槎書堂 在槎爨蓮花寺內李都憲材建

吳臯清墅 李都憲材講學之所

按社學書院之設即倣古家塾黨庠之遺意迄今
世傳久遠或存或廢不一然揆厥由來無非諸名
賢教澤所存茲仍繫于篇末示後來者得循迹而
興復焉

廨宇

肇造公署擬于城郭官有寧宇百堵斯作緬茲花封
亦費營度厥秩攸殊體制相若鳴琴堂上專城筦籥
峻以門墻分諸廳幕處高聽卑于焉是托匪壯乃觀
而丹而牖俾在宇下胥慶安樂愛及所憇棠陰如昨
志廨宇

縣治 在邑正中址迎北中為大堂唐建永徽二年遷縣

尹修輔十葺元至元二十三年陞為州守立修十二年

煨于兵輔十六年重建明洪武二年強州守立修十二年

復改為縣林尹顯弼以廳修二草九年何丞昭善復充拓

國以陶甃隆慶二年張尹正道修雷禮記明末燬佐斌

重修堂後為宅門為後堂舊為軒康熙五十年後遂改軒

為後有樓扁曰思補明正後為內署凡二重宏治以兩

建一間正右為西書院宏治凡三旁室亦三最後為海棠

廟堂東為

龍亭庫舊在墀東正德間為神祠傍舊有幕廳扁曰

本儉建為架閣庫宏治十三年迤東列承發吏戶糧

房凡九西為公貯庫為神祠迤西列兵東工房凡八

葛尹慈甲寅燬為班房堂南為月臺為甬道為戒石亭

舊豎公生明碑雍正九為儀門為譙樓下為頭門洪明

武年初強州守天啟七年沈尹斯棟八年燬吳尹嘉聰

石加崇而禎監十樓四年郝尹錦層以堂隘樓高弗稱改造之層
級太七年非何尹勝士所錦修毀儀門內東為縣丞廨西為馬

號原有馬王廟即主簿廨舊址驛馬前為獄舊有女監

老監存儀門外東為禮房舊在墀東此為土地祠為典

史廨西為刑房舊在墀西此為招房為架房即寅賓

館九年楊門尹芊廢館為之前明寅賓譙樓外東為邏卒

舍即舊旌善申西為急遞舖為關帝廟前列旌善申

明二亭乾隆十四年中為甬道下有蠓眼池舊兩側

建宏治元年樊尹璽官街翼以嚴父慈母二坊乾隆七年

建懷棧南有屏屏南有硯池湖舊屏南有直街抵硯池

豐城縣志

卷四 廨宇

為塞池廣裘各二丈嘉靖辛酉韓太府弼得舊蹟少許許
鑛復清濬之然池蹟稍存而屏南直街為店舍堵塞

學署 見學校

縣丞廨 在縣廨東有頭門乾隆七年有三門有正廳

廳前東為神祠西為書役舍後為宅門為後廳為內

廨西為書房明何丞昭善創蒲丞月增修順治十七年張

丞應徵重修

典史廨 在縣治土地祠前有頭門即義倉門內有關

帝廟有遺愛祠為連尉祠旁為書役舍有二門有正

廳有後廳東為內幕有亭西為內廳為書房乾隆六年尉

繩祖撤通
字鼎新之廡

主簿廡

在縣廡西

康熙年間奉裁廡廢今為馬號

柿源司

在二十二都距縣一百里

明洪武初司強州守立同馬巡司全州創

今廢址存凡巡司蒞任皆于城內僦民房以居

按舊志有江澚口司在二十七都早禾洲港口巡

司初建大港口徙小港口河湖巡檢寨後俱裁廡

廢

稅課局

在治西劉公祠北

明洪武二年強州守立創于雲津坊七年齊尹景明

同局副使朱文華遷治右正德八年燬復改建今奉裁局廢

支應局

在縣治儀門內

今廢房其址東入縣丞廡內西

豐城縣志

卷四

廡字

二十四

劍江驛

在北門外西半里許瀆于江

初建干亭為北津因寶氣

元至元劉州守民則增于黃樓江城越二年仍遷舊所大

洪武初強州守建立以基隘始遷今所明未燬康熙甲

按舊志馬驛有二一在馬驛巷一在洪河橋之側

俱廢

醫學

在縣治譙樓外西偏

明成化間王尹本儉建今廢

陰陽學

在醫學旁

舊在城隍廟左明時徙此今廢

僧會司

舊在壽昌寺今無定所

道會司

舊在清都觀今無定所

各鄉旌善申明亭計八十九所

每鄉一所

廣惠倉 在治東察院北有廳事有廩週以墻中多曠
址

義倉 在縣治頭門內東偏史今廢頭門為典

東糧倉 在大東門外山茶巷明正德丁丑為洪水嚙

便民倉 在劍江驛前今廢

鄢家倉 在小北門外今廢

預備倉 東在五十五都西在七都南在二十五都北

在八十二都明洪武二十四年初正德八年重建今

永便倉 在小東門外厲壇右有門有堂有樓有廩環

列東西明崇禎年間謝尹龍文因此濱江便兌公私

豐城縣志

卷四 廨宇

二十五

賴之唐尚書大章有記

西糧倉 在曲江距縣十里

操場 在大東門外半里許明初設于仙壇壩以治西為

三年沈僉事清購虹橋外民田為之即龍今文所有亭有

廢

行署

公館 在治東關帝廟後乾隆七年朱尹懷棧建

察院 在治東二百餘步明洪武二年强昭州善立尹創其

聽代有修葺明末廢址存前街後至湖前闊四丈

布政分司 在治西城隍廟左明正統九年朱尹瑄建

重建明末廢址存計直深一十三丈前闊四丈三尺

南昌道 在治東正法寺西 今廢

府館 在治西城隍廟右 明成化間李尹廷聰建址尋燬

計直深一十三丈前後橫廣四丈五尺今城隍廟僧築作菜園

官有廡尊臨蒞施政令也採風問俗則行署備焉若

倉廩若府庫上以足國下以裕民也維興與廢治忽

視之故清風至而宮室弗修則有譏長民者不以傳

舍視官舍不作無益害有益寬以紓其力惠以弭其

詛庶無愧斯字矣

坊表 附

豐城縣志

卷四 廡字

邑中

忠義 書為鉉丁立尚 世列堂卿 石為季勲立游府尹 宮保尚書 石為尚書遂李

立 達尊 書為裕李立尚 桂山坊 石為楊崇等立尚書 進士 立為甘勲 大宗

伯 石為廉立楊尚 三世尚書 石為謙三為范尚立書 六國旬宣 石為方伯鳴熊

岐立 青宮元輔 石為謙立范尚 南國文宗 石為史鑒立徐御 奕世楚

命 汝為熊立主事 歷代繼美 石為御瑄立李侍 天官大夫 石為部郎萬中吏

立 解元 書為尚文熊立尚 綸誥同褒 石為萬芹為封洪立中 登瀛 為林壽立翰

圮 青瑣侍臣 石為事枳立夏給 科第傳芳 石為述中丞賀立府 金殿傳

臚 府石為鉉立涂知 方岳 為希純立藩參 塗山叢桂 府石為鉉立涂知 二大

夫第 萬巡撫立胡松為 司馬第 判為汴黎立通 直道匡時 梅為立范知府

天卿坊為李冢大京兆為楊府尹奕世濟美外惟相楊立員

五經科第恭為兄弟侍立讀二卿坊為節黃少多士湖石為沙

金榜流芳為沙湖丁三聘儒宗為傑立丁徵士會魁丁石為少

金甌鼎望書士為邱立尚世列天卿石章為三代尚書鼎甲

宗工石為孫立探司空禮為雷立尚書進士為疇立涂御史豸繡夏

騰蛟起鳳述為雷立通府同臺四柱石為御史鄢

科雙解元雍為本解元李溥立都諫為李都給

秋官字為立高郎中青雲為贈進士都諫為李都給

都憲日為良立中丞尚書為堅喻立尚書進士為劉郎中方伯為任

豸繡時為立喻御史

豐城縣志 卷四 廡宇 二十七

孝子坊二芳一為立楊嗣堯立前明建今一為副貢余有

節婦坊十有五壽一昌在寺城前上為黃汝鯨妻熊氏立一在水

口街為在東禪巷為丁立紳妻范氏立為黃上俱妻明建氏

甘日在西門內城隅為熊大山秀妻褚氏立為黃上俱妻明建氏

雷大井頭為余欽音巷為聶陸氏立為黃上俱妻明建氏

巷為生員何岳妻張氏立為黃上俱妻明建氏

上為黃承芳妻楊氏立在大東門內為萬伯堦妻任

百歲坊一在沙上為刑部員外楊惟相母李氏立

附郭

世進士為立杜專城府為禮杜立兩部侍郎石拯為立杜侍豸繡為楊

瑄副使進士為楊瑄父子立

各鄉

雙豸御史范廉立使鏞翰苑流芳兆為范立檢討大中丞郎為世孫佑

立大中丞史為李都御進士延一為李彦立金一為李大學師

儒酒為李祭豸史史為李盛世逸才李為萬封諫垣給為李

逢橋梓傳芳郎為李雙桂長為李世進士

游苦竹立憲臺風紀史石國為用方岳石為黃五馬州為黃

得立御史鵠為立羅進士誠為雷大司空書為雷黃扉司

諫中為張給世代名賢氏為立朱內臺總憲史為懋翰林

坊士為善立太史修為杰青宮贊善希為顏少卿胡為

豐城縣志

卷四 廨宇

二十八

光潔立少繡衣濟美史為涂進士史為卓天官郎為中

世進士一一為苦棠棣聯芳為知州廷棟立相

孝子坊二塘一為舉三人黃士宏周道立一在五坊古沂

節婦坊二十有九茫一為在贈尚書李與鎬孫氏立一俱在湖

明建節一立在烏湖北為員龔珩妻郭氏立遠一妻在甘北湖姑

為丁朝印妻徐楫妻立蔣氏立湖徐門之為勅揭妻何氏立一

元妻一毛在銅車一上在為鄒維為秀陳愈潘氏揭氏立苦竹為羅一興

為周洪正妻張氏立一為周廷煥相妻傅氏立一烏石湖二茫一

為生員李燾妻熊一在立塘小栗山二為一鄒為李權妻劉氏立一

氏在立一在為香周爐坑為妻葉鄭錫宗立一徐在氏立岡一在劉瞿文塘漢為妻潘李

非諒妻熊氏立一熊氏密嶺一熊元宦妻胡氏立一在游
家山為游洪蘭妻一熊氏立一在東坑為魏邦遴妻一任氏
妻一在羅舍為周永為熊民鄧氏立一在勇城為林欲華
立王在立舍在攏山為熊民達妻余氏立一在立
百歲坊五為一知縣劉文炳母盧氏立一俱前明建麗為李
孟咸妻雷氏立

廨宇隆一邑之體制坊表樹一鄉之儀型得以類從
也有明科第仕宦及孝節諸坊皆舊志所已載百餘
年來圯者過半茲仍其舊列之匪直榮盛典重名器
先賢遺徽不敢沒也我

朝

聖聖相繼扶植人倫發帑建坊畧無虛歲豐士女邀

豐城縣志

卷四

廨宇

二十九

旌典者夥矣統附諸篇庶後之覽者足覘風教之美且
以知

國家表隱闡幽湛恩覃被蓋無已哉

祠廟

附寺觀

功德報隆首嚴祀典廟貌巋然千秋禮展理學宗風
忠義英顯颯爽來憑興懷不淺山水之間壇塲是選
璇宇琳宮登眺游衍豐瘠且貧事神則腆示儉示禮
俗亦可轉淫祠勿崇非族必辨敬而遠之諂瀆斯免
志祠廟

正學祠 在治東省牲亭北祀朱子以邑賢李見羅材
徐匡嶽即登配康熙十年房尹廷禎建

三賢祠 在磯山巔祀朱子及邑賢李後林義山寓賢
姚雪坡勉明李夢陽有記

豐城縣志

卷四

祠廟

三十

宗賢祠 在櫛山祀漢徐穉唐王季友宋胡安國以下
凡十有二人咸淳中尚書雷宜中即龍澤書院改建
元范登有記

文公祠 在小北門外祀宋信國公文天祥元初公子
孫自吉徙此立祠祀焉明嘉靖間朱巡按豹陳巡撫
察疏請歲春秋祀今圯遷建城隍巷

劉公祠 在北門外祀明劉尹璲正德間即普菴堂爲
之每歲後山川壇祭儀品如名宦祠

劉公祠 在高陞門外濱江爲劉尹璲建圯
韓公祠 在治東壽昌寺傍爲明韓尹弼建

報功祠 在縣治儀門外架房前祀晉雷尹煥唐柳尹

渾明韓尹弼曹尹大川徐尹子器萬歷間吳尹達可

建明末燬址爲民房

劉徐二公祠 在華嚴寺側明嘉靖間劉中丞光濟徐

尹子器丈糧清稅民德之立祠祀焉今圯

華公祠 在平豐墻爲明華尹士標建圯

湯公祠 在大東門外大路口爲明湯尹兆京建邑人

李瑄徐即登有記今圯

吳公祠 在西門外爲明吳尹達可建圯

張公祠 在登仙壇傍爲明張尹廷拱建圯

豐城縣志

卷四 祠廟

三十一

江公祠 在平豐墻爲明江尹朝賓建圯

陶公祠 在戴家巷口臨街爲明署縣陶通府以詩建

圯

徐公祠 在登仙壇傍爲明徐尹揚先建圯

馮公祠 在西門外爲明馮尹起綸建圯

沈公祠 在治前右偏爲明沈尹斯棟建圯

靈槎祠 在廣豐鄉故縣晉時富城鄉白石墓有大木

民伐以獻次獨櫛津木忽逆流至江魚數萬擁之人

異而祀焉號泛槎神太守范甯奏聞勅封宋紹興中

賜今額

忠義孝弟祠 在城隍廟左即布政司行署基址祀傅
祁以下凡四十一人雍正三年汪尹雲鵬奉

旨建

節孝祠 在忠義孝弟祠後雍正四年高尹岑奉

旨建

城隍廟 在治西百步明洪武中林尹弼建正德八年
燬吳尹嘉聰重建嘉靖間曹尹大川修康熙四十二
年薛尹景瑩重修

按邑城隍神相傳爲漢潁陰侯灌嬰故舊稱古灌
嬰祠明洪武三年詔天下城隍廟止稱某省府州

豐城縣志

卷四

祠廟

三十二

縣城隍之神悉革封號遂改今額

關帝廟 在治東三十步前殿祀關帝舊爲劍江書院中殿祀

勅封三代公爵位舊爲通坊十甲後爲春秋閣俱乾隆

七年朱尹懷棻改建自爲記每歲關帝誕辰及春秋

二仲月上戊日祭凡祝釐習儀朔望讀法悉于此監生

楊國棟捐浙江坑早晚田玖工半貢生范蘭生員丁
林共捐賽頭晚田拾玖工半又後秋官田拾貳工半
新墾馬湖墻官田捌工通共田肆拾玖工半付住持
僧收管

龍王廟二一在西門外墻上明成化間黃簿璲建一在

高陸門外新砌七星埽側乾隆十七年今尹滿建

斗門廟 在城南石闌上爲水口鎮

天符廟 在小東門外邑人涂具質建

三王廟有二 一在高陞門外一在正法寺東

東嶽廟 在大東門外邑人熊世宏施建明洪武中林尹弼改創有記康熙元年何尹士錦重建每歲立春祀勾芒神必迎于此

沙岡廟 在登仙門外

二王廟 在西門外官墻

壇頭廟 在折桂門外

武當行宮 在細彩灣廟廡雷神素稱靈應明天啟間有巨樟崩于河梗流壞舟商人苦之居民率百餘人

豐城縣志

卷四

祠廟

三十三

拽不能起馮尹起綸禱于廟越日風雨大作隱見雷神自殿廡出挈樟至岸雨止民往視神舉體尚濕咸相驚異馮尹上其事於各憲定于六月二十日祭厚郭廟 在正信鄉唐義士傅祁禦寇戰没于此鄉人立廟祀之後禱捕蝗輒應張自明彭教有記

超山廟 在富城鄉晉范登雲尸解于此因祀焉

龍津廟 在登仙鄉滎塘晉司空張華縣令雷煥得寶劍于此因祀之舊名劍池廟宋紹興中賜今額

威顯廟 在宣風鄉楊梓洲唐李承勳戰没葬此有英靈土人即墓側立廟祀之南唐徐鉉有記宋紹興二

年勅封今額

南神廟 在青潭山巔

靈惠廟 在長安鄉祀唐廬陵黃元二子燾燁

羅湖廟 在羅湖水口

大橋廟 在曲江磯灣明嘉靖二十三年旱典史王棟
禱雨有應

高埂廟 在小港口

壺山廟 在三坊蓮花橋距縣二十五里神極靈應明
孫世祐有記

彭塘廟 在貞文書院北祀唐清源妙慧真君

豐城縣志

卷四

祠廟

三十四

張睢陽廟 在墉坑

水口廟 在社坑

河頭廟 在石灘橋

東澤廟 在大順鄉明永樂二年建

壇壝

社稷壇 在大東門外宋嘉定間唐尹容創邑人劉充
記明洪武中齊尹景明重建歲春秋二仲月上戊日
祀每祭豕二羊二餘品如規

先農壇 在登仙門外雍正五年高尹岑奉

旨建祀先農神祭壇一座神庫三間陪房二間瘞地一口

壇前置藉田四畝九分歲仲春月祀行耕藉禮每祭羊豕各一餘如規

風雲雷雨山川壇 在登仙門外楊柳湖北明洪武中齊尹景明創歲春秋二仲月上巳日祀每祭羊豕各三餘如規

厲壇 在小北門外齊尹景明建歲清明日七月望十月朔日祀祭品如山川壇

里社壇 凡三百二十四所里人建祀五土五穀之神春秋二社祀祀畢讀法

鄉厲壇 凡三百六十所里人建祀無主鬼神歲三祀

豐城縣志

卷四

祠廟

三十五

祀畢讀法

寺觀

附

壽昌寺 在治東唐馬祖建邑人潘清隱施僧聞修募修舊時祝釐習儀于此寺東有關帝廟署縣高尹培建

正法寺 在治東晉大元間邑人傅士華施地南塔湧禪師建內分十院其西後二重係順治庚子何尹士錦同邑紳士公創僧如初購釋典全藏貯于師表堂連珠寺二 一在小北門外邑人楊范蔣三姓公建僧泰欽重修一在長寧鄉四十都宋時建

南禪寺 在登仙門外 今廢

西禪院 舊名勝因在城西唐時建 今廢

竹林庵 在登仙門外楊柳湖側

白雲庵 在東門內城隅明羅狀元洪先寓此有詩

青雲庵 在登仙門外 今廢

白衣庵 在斗門外 今廢

高原福地 在斗門外仁里坊

登仙壇 在城西官墻頭爲堤埽鎮

普庵堂 在小北門外□江今名北宸山

能仁堂 在斗門外 今廢

豐城縣志

卷四 祠廟

三十六

普明堂 在西門外官墻

陽靈觀 在小北門外邑人涂文昭楊三榮施建其地

舊有蛟穴恐爲邑患因創觀祀真武像以鎮之

白鶴觀 在西門內嚴家山晉真人甘戰飛昇于此族

人建飛仙庵後改廣福觀唐高宗封禪見白鶴飛翔

詔天下未賜觀額皆稱白鶴故名 今廢

清都觀 在西門內闕家山真人甘戰昇仙虛空飛篁

一枝墜地遂生焉每風和露澄之夕空中有簫管之

音人異之道士黃紹宗建飛篁觀至宋改今名

應元宮 舊名金鳳山在高陞門外道士唐丹霞募族

施基創建乾隆八年燬于火道士江太陋重建

萬壽宮 在治西大井頭祀晉真人許遜雍正十二年

劉尹象賢即蔡公講堂改建

海慧寺 在感山宋僧雲卧建順治間僧洞明重修

梵慧寺 在北湖唐馬祖建

香社寺 在宣風鄉宋僧明霞建

慧燈寺 在宣風鄉馬祖建

華嚴寺 在興仁鄉馬祖建

淨住寺 在歸德鄉馬祖建

西來山 在驛前對岸

豐城縣志

卷四

祠廟

三十七

正宗寺 在歸德鄉宋僧空菴建

光福寺 在興仁鄉馬祖建

定明寺 在長豐鄉馬祖建

慈觀寺

宣妙寺

智度院 在櫛山宋僧廣照建致堂胡寅有記

雲中寺

永福寺

蘇山寺 在劍池鄉十五都

青果寺 在長安鄉蔣家樓

瀑水寺 在二坊大街甘元煥同族公建

大明寺 在大坑原蔣家樓蔣一宗施建

七寶寺 在龍門

方廣寺 在赤岡

無爲寺 在興仁鄉唐坊

圓覺寺 在正信鄉

正悟寺 在宣風鄉

法忍寺 在曲江

石灘寺 在石灘橋側

水草園 在宣風鄉棗梨岡即古法華寺邑人唐金星

豐城縣志

卷四

祠廟

三十八

施建僧犢如重修于寺東建拜經臺四宗堂犢如能
詩雍正間高尹岑與結松蓮詩社于此

蓮花寺二 一在槎嵐市一在西鄉蓮花橋

正覺寺 在楓樹下

定慧寺 在下藍溪祀晉時本鄉女仙

靖氛寺 在故縣熊明璞建

香社院 在宣風鄉宋時建

壽聖院 在長寧鄉宋祥符間建

普照院 在長豐鄉

聖乘院 在龍門山西

海覺院 在龍霧洲

資善寺 在二坊曾家山唐馬祖建曾一宗重修

鎮龍庵 在落鷺口李坊李大岐建

諶母仙院 在羅山

金華仙院 在金華山巔

梅仙觀 在宣風鄉漢梅福修煉飛昇于此後立梅仙

庵宋元豐五年封壽春真人紹興中加吏隱上有禮

斗壇煉丹井甘露臺雨花石

烏石觀 在興仁鄉烏石岡上舊名至德晉許真君嘗

修藥于此唐道士萬石泉建

豐城縣志

卷四

祠廟

三十九

興雲觀 在興仁鄉許真君經遊處元道士鄔自閑建

成仙觀 在興仁鄉有許真手植杉樹唐道士喻立建

懸履觀 一名集虛在歸德鄉許真君嘗憇此懸履于

觀故名道士傅仲儀建

冲靈觀 在興仁鄉道士游希元建

道壇觀 在劉莊

紫霄觀 在登仙鄉五都許真君嘗煉丹于此

崇仙觀 在梅仙鄉十都晉真人曾亨煉丹于此宋道

士朱肖庵建

紫府觀 在劍池鄉晉曾亨洗藥處

仙林觀 舊名興元在會昌鄉晉尹真人道場相傳文
簫遇吳彩鸞于此

丹霞觀 在富城鄉晉王郭二仙經遊處梁道士黃空
洞建

勝靈觀 在大順鄉晉浮邱公經遊處宋道士張慶齋
建

招雲觀 在正信鄉王郭二仙經遊處宋道士張堅建
堯壇觀 在堯山

東嶽觀 在曲江

吳珠塔 在長寧鄉祀浮邱王郭三仙

豐城縣志

卷四

祠廟

四十

豐之神列祀典者僅矣其香火崇祠仙佛廣院無慮
數千自非芥子壺公施必有主顧其先祖若父破慳
囊佈淨宇以爲功德地迨夫年湮世遠子孫爭檀樾
名至于宗親爲獄鄉里成仇積歲時傾貲業而不自
顧者相屬也嗚呼亦愚矣哉

豐城縣志卷四終